

QVÆSTIO MEDICA.

CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS XXVI. MARTII.

M. IOANNE DEGORRIS, Doctore & Medico Regio, moderatore:

Est-ne Natura primarum qualitatum temperies?

842

QVO' sublimior est cuiusque rei splendor & dignitas, eò plus ad illius cognitionem, nollet caligat, & hebescit intellectus; Animæ rationalis essentiam & functiones admirandas, non capiti humani vis ingenij, nimirum quia illa Diuinitatis eximie participes, illius cancellas finibus reuerentur & contineri: Naturam autem diuinam particulam, non effingere ars humana, non veris aut viuus satis exornare potest coloribus; hinc illa Philosophorum ac Medicorum varia pigmenta, quibus illam assueuerant esse Mentem quæ omnia penetrat, in fabricandis animalium partibus similem vrbis conditori; esse calidum innatum, Temperaturam ex calidi, frigidi, humiditatis, siccitatisque confusione & miscellâ, Elementorum symmetriam, facultatem animantium redricem, ortus denique omnisque actionis occultum intimumque principium; vera illa quidem; sed quæ Naturæ *ἐντέλεια* assequi, vel & æquare haudquaquam videantur, verum quamquam illam nobis non datur penitus oculis intueri, aut illam nosse satis corporis formam, quæ in aubis, lactis loco, mirum in pullos suos amore fertur indidisse, nos illa tamen magnâ suorum operum tenere solet admiratione, dum corporis humani rempublicam, formando, alendo, & conferuando intimè peruagatur.

FVNCTIONVM quæ Naturâ Duce ac Magistrâ administrantur, cum in stirpibus tum animalibus, summa atque suprema Nutritio existit, quàm insiti caloris appulsu alimentum assidue exagigans molitur, estque hoc illis communi lege ab eâ tributum, vt insiti vi caloris vitam agant, sintque tantò perfectiora vitæ opera, quanto caloris vis atque substantia affulserit vberior: est verò in temperamenti animantium stirpiumque missione, diminutus quidam ac mutilus, seu elementaris calor; Alius diuiniore, præstantioris cuiusdam originis, neque ignei elementi rudiorum naturam redolens; utroque illo serpentes viuunt, quas tamen esse temperamento frigidis commemorant; viuunt Papauer, Mandragora & vniuersum stirpium frigidarum genus; nec non utroque illo sulphur & Arsenicum, quæ calidissima quidem cum sint & igneo elemento confertissima, vt plerumque nos vrant, illo tamen calore diuiniore destituta iacent, sicut & vniuersum inanimorum genus; incredibili prope Naturæ optimæ parentis sapientiâ, quæ calore elementari ac celesti, animantium functiones & stirpium vitam regit & moderatur: sic sol & homo generant hominem, ita Heliotropij & Scorpiuri flores ab ortu ad occasum, Solem inueniunt, cum eoque vertuntur omnibus horis, etiam nubo die, exortu se pandunt, occasu se contrahunt; Illinc Natura cum inferioribus, hinc cum superioribus amicè conspirat, illo diuiniore ascendens ad supera, elementari descendens ad infera, atque cum mediâ omnium sit, vires possidet omnium docta & erudita, quamquam *ἀπαλόευστος*.

ILLA autem primas elementorum qualitates ad conuenientem contrariarum *ἀλλοιωσις* aptat & accommodat: Illis velut instrumentis effectiones suas exprimit, caliditate crassa attenuat, fundit & liquat à frigido concreta, densa rarefacit, humores foras euocat, eosdem & alimenta coquit, homogenea cogit, heterogenea separat; frigiditate verò crassiorem reddit substantiam, gelat & glaciât, glaciando impingat, densat poros cutis, humores repellit, & intro protrudit, eorumdem & alimentorum coctioni aduersatur, plantas & animalia enecat; humiditate autem & siccitate parit Natura actiones planè contrarias; Tali verò tantâque primarum qualitatum dignitate & præstantiâ, vt rectus earum concentus, elementorum & Naturæ *ἐλκευσις* solus æquare & complere videatur: sed falleris qui sic autumas, Natura sui iuris & nullis vincula compedibus, audeat supra primarum qualitatum vires, functiones edere nobilissimas, non instructa legibus, non exemplis, sed antecedente nullâ cognitione *ἀντιθέσιν*. Hinc mirabiles Animantium & stirpium consensus ac dissensus, & medicamentorum totâ suâ substantiâ atque cum delectu purgantium origo; hinc Magnes ferrum trahit, Succinum paleas, piscatorum manus contra du Torpedinis obstupefunt, Sepia atramento effuso, dum piscatorum oculis caliginem offundit, illi orûvit infidias: hinc & vterus nouem exactis mensibus fœtum excutit, recens natus atrepti papillâ, placido maxillarum linguæque motu lac fugit, cantu & harmoniâ delectatur; Struthionis denique calor ferum, Columbæ venter lapillos exerit, quod leonis calor tum acrior, tum vehementior non potest, sed solus ille, non quidem simplicium qualitatum vim atque *διναμιν* redolens, sed diuiniore & proportionem respondens calor elemento stellarum.

SED Naturam contemplare penitus: illa eiusdem caloris operâ ossa carnemque generat; hæc temperamento suo calida humidâque est; Ossa, verò frigida sicca; Qui verò fiet frigidum & sic cum à calido, si nihil agit Natura supra vires primarum qualitatum? Non agit illa quæ sic ferant qualitatum vires, immò qualitates agunt quia sic ab eâ reguntur; Humani corporis structuram mirabilem in vtero molita est Natura, an verò solis vî primis qualitatibus? Sic & remedia morborum plurima petuntur, non à qualitatibus manifestis, sed à totius rerum substantiæ proprietate; Est verò nefas & iniquum à qualitatibus, quæ tantum instrumenta sunt, Naturæ Agentis primarij vires metiri: quàm illa verò de animantium salute sollicita est; in morbis, *ἀπαλόευστος* nouit *ἐφ' ὧν* & *ἐκ ποσῶν* humoris eliminandi, hinc abcessus molitur per ossa, hydropicorum aquas, in aluum & vrinæ ductus refundit; puris expurgationem in purulentis facit, omnia vbique & propter finem operatur, non deficit in necessarijs, nec abundat in superfluis, numquam in animalibus otiosa cessat, nihil frustra vel imperfectum facit, semper rei melioris author, in illâ nihil inconstans est vel inordinatum, sed est rerum in morbis agendarum medico exemplar fidissimum, verum vtinam illa nobiscum colloquatur, & se res quales sunt explicent, vt procul amantur artificiosi sermones.

NEQVE verò hæc inanis vel otiosa cogitatio & commentatio existimanda est: Morbos quos qualitatum parit excessus earumdem *ἐναντιοῦσι* tunc curaueris in illis si *βίος* te, seu contagiosis, pestilentibus atque venenatis, erue intima totius Naturæ viscera, illi quæ afflicte opponere remedium *τὸ βίον*; est verò id non aliud quàm totius illorum, substantiæ proprietates atque similitudo, *ἐντέλεια* perfectio & integritas, quæ eorum vnumquodque consistit: ex illi substantiæ totius virtute, alimenta nos alunt, expurgant medicamenta, deleteria & venenata omnia nos enecat, solantur alexiteria: Rursusque medicamentorum alia in renes, alia in vesicam, alia in lienem atque pulmonem, vel caput concedunt, iisque aut salutaria aut pestifera esse dicuntur; ex illâ denique in tantâ rerum multitudine nihil quiddam nos alere potest, quod non enumeratur, sique vitâ præditum; Quin etiam quæcumque præstantiorem vitam degunt, vitiliora & salubriora nobis alimenta sunt: consistit verò illud remedium *τὸ βίον*, seu in animalibus, seu in stirpes insederit, non in Chymicorum aquis distillando elicitis, non in oleo duplici tenui & albicante, altero sicciorè & rubente, non in fœce terrenæ substantiæ subsidente, sed in exquisito medicamentorum delectu, rectâ præparatione, eorumque missione idoneâ, quæ singula ex affectus perspicaciâ perpallere nouit ad vsum conuenientem accuratè lima tractat: Ex illis autem qui selectas caller Antidotos, morbis magnis exterminandis salutare, non ratione solâ, sed vsus obseruatione & operibus noscendas, solus is mihi magnus Apollo est, *ἰατρὸς πάντων ἀνθρώπων ἀνὴρ*.

Ergo non est Natura primarum qualitatum temperies.

Proponebat Lutetiæ FLORIMONDVS LANGLOIS, Parisinus. A.R.S.H.M.DC.XXXVII

F.M.P.
BIBLIOTHECA

289